



KOMUNIKADO PA PRENSA

Fecha 23 sept 2012 *Account Manager* Jhanirha Anita *Email* jhanirha.anita@gobiernu.cw *Nr.*

OUTORIDAT MARÍTIMO TA SELEBRA
DIA INTERNASHONAL DI MUNDU MARÍTIMO KU TEMA
100 AÑA DESPUES DI TITANIC

Willemstad – Di 24 pa 28 di sèptèmber próksimo nos aki na Kòrsou i tambe otro paisnan rònt mundu ta selebrá e siman Internashonal di Mundu Marítimo i kual ta kulminá riba e Dia Internashonal di Mundu Marítimo esta e djaweps, 27 di Sèptèmber. Outoridat Marítimo di Kòrsou (MAC) den e kuadro di esaki tin un kampaña di informashon durante henter e siman pa konsientisá pueblo riba e importansia di Seguridat Marítimo i Prevenshon di Polushon.

Tur aña e organisashon Mundial Marítimo (IMO) ta selebrá Dia Internashonal Marítimo '(International Maritime Week)'. Kada aña IMO ta para ketu na un otro tópiko di importansia pa e mundu marítimo. E tópiko di e aña aki ta '**100 aña despues di Titanic**'. E tragedia di Titanic a impaktá mundu kompletu i tabata e momentu ku a kuminsá ku introdukshon di leinan pa seguridat marítimo pa asina prevení tragedianan asin'aki den futuro.

Durante di e kampaña lo tene entrevista na diferente medionan di komunikashon lokal. Aki ta sigui un lista di e entrevistanan:

1. Djaluna 24, 7:45 AM na Radio Hoyer den Splendor di Dia
2. Djamars 25, 7:00 AM na Radio Curom Z-86 den Perspektiva i na Radio Dirèkt den notisia
3. Djarason 26, 7:45 AM na TeleCuracao den Mòru Bon Dia
4. Djaweps 27, 8:45 AM na Radio MAS den Bo punto di Enfoke, djis despues di Notisia

MAC lo duna splikashon di kiko MAC ta hasi, kiko IMO ta hasi, e tragedia di Titanic i lo duna algun teps sumamente importante i interesante pa ora ta biaha riba barkunan krusero ku tur hende mester tene kuenta kuné.

MAC ta selebrá e dia aki i ta usa esaki komo dia di reflekshon riba e importansia di seguridat marítimo i prevenshon di polushon di nos awanan. Sintónisá bo emisora i/òf planta di televishon preferí pa bo tambe ta bon informá! Tambe por download un foyeto interesante via di www.gobiernu.cw i via di e website aki mes pro wak un video di e Sekretario General di IMO i tambe unu di e tragedia di Titanic.